

UNIVERZITET U ZENICI  
UPRAVNI ODBOR  
Broj: 01-101-702-0798/10.  
Zenica, 04.02.2010.



Na osnovu člana 51. tačka a) Zakona o visokom obrazovanju ("Službene novine Zeničko-dobojskog kantona", broj: 6/09), člana 19. stav 2. alineja 1. Zakona o izmjenama i dopunama Zakona o javnoj ustanovi Univerzitet u Zenici ("Službene novine Zeničko-dobojskog kantona", broj: 5/05, 11/06 i 6/09), Upravni odbor Univerziteta u Zenici na svojoj 1/10. sjednici, održanoj 04.02.2010. godine, donio je

**O D L U K U**  
**o usvajanju Pravilnika o vrstama, načinu i rokovima raspodjele vlastitih prihoda**  
**JU Univerzitet u Zenici**

**Član 1.**

Ovom Odlukom usvaja se Pravilnik o vrstama, načinu i rokovima raspodjele vlastitih prihoda JU Univerzitet u Zenici.


**Član 2.**

Sastavni dio ove Odluke čini Pravilnik o vrstama, načinu i rokovima raspodjele vlastitih prihoda JU Univerzitet u Zenici.

**Član 3.**

Odluka stupa na snagu danom donošenja, a Pravilnik iz člana 1. ove Odluke primjenjuje se od dana dobijenog Mišljenja od strane Ministarstva finansija Zeničko-dobojskog kantona broj: 07-34-6253-3-1/09. od 24.04.2009. godine.

Dostavljeno:  
1x Pravilnik  
1x arhiva Upravnog odbora  
1x a/a



Doc.dr.sc. Esad Delibašić

Na osnovu člana 12. Uredbe o vrsti vlastitih prihoda i načinu i rokovima raspodjele („Sl. novine ZDK 15/08) i člana 14. Pravilnika o vrstama, načinu i rokovima raspodjele vlastitih prihoda, broj: 10-14-35823-1-2/08 od 31. 12. 2008. godine, Upravni odbor Univerziteta u Zenici, na 01. sjednici, održanoj 04.02.2009. godine donosi :

## **P R A V I L N I K** **o vrstama, načinu i rokovima raspodjele vlastitih prihoda**

### **DIO PRVI – OSNOVNE ODREDBE**

#### **Član 1.**

##### **(Predmet)**

Ovim Pravilnikom uređuju se vrste, način i rokovi raspodjele vlastitih prihoda Univerziteta u Zenici.

#### **Član 2.**

##### **(Vlastiti prihodi)**

Pod vlastitim prihodima Univerziteta u Zenici podrazumijevaju se prihodi koje Univerzitet ostvari obavljanjem osnovne djelatnosti i ostalih poslova na tržištu.

Pod vlastitim prihodima ne podrazumijevaju se prihodi koje Univerzitet ostvari obavljanjem osnovne djelatnosti propisane Zakonom ili drugim propisima o osnivanju Univerziteta za koje stiče prihode od osnivača, kao ni prihodi ostvareni u internom poslovanju između budžetskih korisnika ZDK-a, te između organizacionih jedinica Univerziteta.

#### **Član 3.**

##### **(Način uplate)**

Prihodi iz člana 2. stav 1. ovog Pravilnika uplaćuju se na jedinstveni račun Trezora ZDK-a u skladu sa Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Sl. novine FBiH“ br. 29/06, 46/06, 8/07, 30/07, 51/07, 82/07, 97/07, 09/08, 28/08, 46/08 i 48/08).

#### **Član 4.**

##### **(Planiranje rashoda)**

Univerzitet u Zenici je dužan na osnovu planiranih vlastitih prihoda planirati i rashode koje će pokriti iz tih prihoda.

### **DIO DRUGI – VRSTE VLASTITIH PRIHODA**

#### **Član 5.**

##### **(Vrste vlastitih prihoda)**

U vlastite prihode koje ostvaruje Univerzitet u Zenici i organizacione jedinice Univerziteta, spadaju:

- prihodi ostvareni izdavanjem naučno-istraživačkih i stručnih radova;
- prihodi ostvareni od organizovanja seminarata, naučnih skupova, konferencija i slično;
- prihodi ostvareni od pružanja usluga i prodaje roba i proizvoda trećim licima;
- prihodi od izdavanja stručnih časopisa, publikacija i slično;
- prihodi ostvareni od redovnog samofinansirajućeg studija, vanrednog studija, postdiplomskog studija, doktorskog studija, te izrade i odbrane magistarskih i doktorskih radova;
- prihodi ostvareni od izdavanja poslovnih prostora i opreme u zakup;
- prihodi od naknada za smještaj studenata u Studentski centar i korištenje usluga Studentskog centra;
- ostali prihodi (prodaja upisnog materijala, izrada nastavnih planova i programa, nostrifikacije diploma, izdavanje prijepisa, izdavanje ispisnica, članarina, prodaje prijava i sl.).

## DIO TREĆI – NAČIN I ROKOVI RASPODJELE VLASTITIH PRIHODA

### Član 6.

#### (Namjena korištenja vlastitih prihoda)

Sopstveni prihodi iz člana 5. ovog Pravilnika koriste se za pokriće neophodnih rashoda i za kapitalne izdatke Univerziteta u Zenici, i to:

1. Sopstveni prihodi iz člana 5. alineja 1., 2., 3., 4., 5. i 8. raspoređivat će se na slijedeći način:
  - a. 15% za kapitalne izdatke Univerziteta (5% za Rektorat i 10% za organizacionu jedinicu Univerziteta);
  - b. minimalno 10% za materijalne troškove i tekuće izdatke u zavisnosti od vrste projekta i vrste sopstvenog prihoda; te
  - c. maksimalno 75% za bruto plaće, naknade i ostala primanja.
2. Sopstveni prihodi iz člana 5. alineja 6. Pravilnika raspoređuju se u odnosu:
  - a. 15% za kapitalne izdatke Univerziteta (5% za Rektorat i 10% za organizacionu jedinicu Univerziteta);
  - b. 85% za materijalne troškove i tekuće izdatke Univerziteta.
3. Sopstveni prihodi iz člana 5. alineja 7. Pravilnika, Univerzitet će koristiti 100% za pokriće ukupnih rashoda.

### Član 7.

#### (Rokovi korištenja)

Ostvarene vlastite prihode Univerzitet u Zenici može koristiti do 30. juna naredne budžetske godine.

Neutrošeni dio prihoda postaje javni prihod, osim za:

- vlastite prihode iz člana 5. alineja 7. Pravilnika;
- vlastite prihode uplaćene na ime naknada za sticanje naučnog stepena doktora nauka i naknada uplaćenih na ime postdiplomskog studija za sticanje naučnog, odnosno umjetničkog, stepena magistra, koji će se koristiti tokom trajanja postdiplomskog studija, odnosno magisterija, nakon čega postaju javni prihodi;
- prihode za finansiranje započetih, a nedovršenih projekata, koji iz opravdanih razloga nisu mogli biti utrošeni na planirane rashode za čije se izmirenje podnosi zahtjev nadležnom ministarstvu do 30. juna tekuće godine, uz detaljno obrazloženje i odgovarajuće dokaze o razlozima neutrošenosti tih prihoda.

### Član 8.

#### (Odgovornost budžetskog korisnika - Univerziteta)

Univerzitet u Zenici je odgovoran za blagovremenu naplatu potraživanja po osnovu vlastitih prihoda iz člana 5. Pravilnika.

### Član 9.

#### (Povrat pogrešno ili više uplaćenih vlastitih prihoda)

Povrat pogrešno ili više uplaćenih vlastitih prihoda Univerziteta vrši se u skladu sa Pravilnikom o procedurama za povrat više ili pogrešno uplaćenih javnih prihoda sa JRT ZDK-a („Sl. novine ZDK“ br. 06/05).

## DIO ČETVRTI – ZAVRŠNE ODREDBE

### Član 10.

#### (Stupanje na snagu)

Pravilnik se primjenjuje po pribavljenoj saglasnosti Ministarstva finansija ZDK.

Broj: 01-101-702-0798/10.  
Zenica, 04.02.2010. godine

